

Banne nuits ki recommandé passe dans ibaadat

Banne nuits ki recommandé passe dans ibaadat, nou ena;

1. 10 derniers nuits de Ramadhan
2. la nuit de Eid
3. la nuit de Baqr Eid
4. 10 nuits de Zulhijjah et
5. 15ème nuit de Sha'baan.

Mais bizin passe ça dans la caze. Li pas bon passe li en jamaat dans masjid. Banne Fouqaha fine qualifié la pratique passe ça banne la nuits-là en jamaat dans masjid de makrouh c'est-à-dire ene pratique indésirable et détestable.

Dimoune faire ibaadat pou approché avec Allah Ta'ala. Ça li réalisé quand li faire ça ibaadat-là d'après le mubaarak sounnat de nou Nabi (Sallallaahou A'laihi Wasallam).

Passe ça banne nuits-là en jamaat dans masjid li conte sounnat de Nabi (Sallallaahou A'laihi Wasallam). Ene dimoune li ranne li détestable et indésirable dans lizié Allah Ta'ala par alle conte sounnat de Nabi (Sallallaahou A'laihi Wasallam). Dans la même façon faire namaz tahajjud, namaz awwabeen ou bien namaz tasbeeh avec jamaat li conte sounnat de Nabi (Sallallaahou A'laihi Wasallam). Au lieu approché, li éloigne li avec Allah Ta'ala.

[Extrait de Al Jamiat Vol.7 No.11]

Ziyarat Qabrastan et 15ème nuit de Sha'baan

Dimoune li blié ki li ena pou mort. Acoze ça li amène so la vie dans l'insouciance, négligence et désobéissance. Bizin faire li rappel ça étape de la mort ki tous être vivant ena pou traversé. Ça rappel-là li servi li couma ene frein à so l'anarchisme. Acoze ça li recommandé faire ziyarat qabrastan pou faire li rappel so la mort ki d'après hadice li mette fin à tous banne désirs. Pli ene dimoune li pense so la mort, pli li capave libère li de so passion et de so désir. D'après ceki fine mentionné dans banne livres de fiqh, meilleur jour pou faire ziyarat c'est jour jum'ah. Par ça banne livres-là, li pas paraite ki ziyarat qabrastan li associé avec la 15ème nuit de Sha'baan. C'est-à-dire li pas ene pratique ki ena kit relation avec ça la nuit-là.

Li vrai ki d'après certaine hadice, li paraite ki Nabi (Sallallaahou A'laihi Wasallam) ti alle qabrastan. Mais d'après l'attitude banne fouqaha li facile pou constaté ki personne parmi zotte pas fine considère ça pou encourage la pratique de ziyarat. Et ni zotte fine mentionne ziyarat de qabrastan comme ene pratique recommandée parmi banne recommandation ki zotte fine faire pou ça la nuit-là. Li ene indication de zotte part ki ziyarat li pas lié avec ça la nuit-là. Acoze ça bizin pas encourage ça pratique-là dans ça la nuit-là. Surtout quand ça pé prend ene l'ambiance de fête et promenade ki faire li perdi tout so l'esprit de ibaadat. Pas conné plitard ki tournure ki ça capave prend encore ! Par l'expérience nou capave dire ki ça pou tourne bien mal ki pou ouvert la porte pou ene série de pratique ki capave bien néfaste pou nou Deen. Au lieu ça, laisse nou concentré lors banne ibaadat couma namaz nafil, zikrullah, tilawat-ul-Qour'aan et surtout dua, tawba et istighfaar. Kikene capave ena ene différent analyse. Donc chakene ava prend responsabilité de ceki pou arrivé par encourage ou décourage ça pratique-là.

[Extrait de Al Jamiat Vol.6 No.13]



JAMIAT-UL-ULAMA DE MAURICE

Cnr. Penang & Sumatra Street, Port Louis, Mauritius,

Tel: 240-0439 / <http://www.jamiat-ul-ulama.org>

Emails: jamiat@intnet.mu / jamiathalal@myt.mu

